



ქალაქ ფოთის მუნიციპალიტეტის საკრებულო

განკარგულება № 3/4

2019 წლის 30 იანვარი

ქალაქი ფოთი

არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სერვისების ცენტრის“ დირექტორის ანგარიში გაწეული მუშაობის შესახებ

საქართველოს ორგანული კანონის „ადგილობრივი თვითმმართველობის კოდექსი“ 106<sup>1</sup>-ე მუხლის მე-15 პუნქტის, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 116<sup>1</sup>-ე მუხლის პირველი პუნქტის შესაბამისად,

**მუხლი 1.**

ცნობად იქნას მიღებული არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სერვისების ცენტრის“ დირექტორის 2018 წლის ანგარიში გაწეული მუშაობის შესახებ.

**მუხლი 2.**

არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სერვისების ცენტრის“ მუშაობა შეფასდეს დამაკმაყოფილებლად.

**მუხლი 3.**

დაევალოს ქალაქ ფოთის მუნიციპალიტეტის მერს მოამზადოს წინადადება ტექნიკის პრობლემის გადაჭრასთან დაკავშირებით.

**მუხლი 4.**

არასამეწარმეო (არაკომერციული) იურიდიულ პირს „ქალაქ ფოთის მუნიციპალიტეტის სერვისების ცენტრს“ დაევალოს არსებული შიდა რესურსით დაამატოს მუშა პერსონალი არხების გაწმენდის და მუნიციპალური ტერიტორიის მოთიბვის სამუშაოების შესასრულებლად.

**მუხლი 5.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, აღმაშენებლის ქუჩა №3)

**მუხლი 6.**

განკარგულება ძალაშია ხელმოწერისთანავე.

საკრებულოს თავმჯდომარე



ირაკლი კაკულია

ა(ა)იპ ქალაქ ფოთის მუნიციპალიტეტის სერვისების ცენტრის ანგარიში  
გაწეული მუშაობის შესახებ

(2018 წელი)

ქ.ფოთი

2018 წელი

## 1.სტრუქტურა

ა(ა)იპ „ქალაქ ფოთის მუნიციპალიტეტის სერვისების ცენტრი“ შეიქმნა ფოთის მუნიციპალიტეტის საკრებულოს 2017 წლის 5 დეკემბრის №4/82 განკარგულებით, ხოლო ქ.ფოთის მუნიციპალიტეტის მერის 7 დეკემბრის №902 ბრძანებით დამტკიცდა წესდება და შესაბამისად დაიგეგმა გასატარებელი ღონისძიებები .

ა (ა)იპ „ქალაქ ფოთი სმუნიციპალიტეტის სერვისების ცენტრი“ მუშაობას შეუდგა 2018 წლის 1 იანვრიდან. აღნიშნულია(ა)იპ-ის საქმიანობის მიზნებს წარმოადგენს:

1. საზოგადოების საქმიანობის მიზნები და ამოცანები:

ა) ფოთის მუნიციპალიტეტის ტერიტორიის კეთილმოწყობა და შესაბამისი ინფრასტრუქტურის განვითარება;

ბ) მუნიციპალიტეტის ტერიტორიაზე ქუჩების, პარკების, სკვერებისა და სხვა საჯარო ადგილების დასუფთავება, ტერიტორიის გამწვანება, ნაგავის გატანა;

გ) სანიაღვრე არხების მოვლა -პატრონობა, წყალარინების უზრუნველყოფა;

დ) სატუმბი სადგურების მოვლა -პატრონობა

ე) რადიო საათის მოვლა-პატრონობა;

ვ) გარე განათების მოვლა-პატრონობა;

ზ) უპატრონო ცხოველებთან დაკავშირებული საკითხების გადაწყვეტა;

თ) ადგილობრივი მოსაკრებლების ამოღება.

ი) მრავალსართულიანი ბინებთან დაკავშირებული მომსახურეობა, საბინაო ფონდის მოვლა-პატრონობა

ლ) ყველა სხვასაქმიანობა, რაც არ არის აკრძალული არასამეწარმეო (არაკომერციული) იურიდიული პირებისათვის.

2018 წლის 31 დეკემბრის მდგომარეობით თანამშრომელთა რაოდენობა შეადგენს: 249 (ადამიანს).

## 2. ბიუჯეტი

- ა(ა) იპ,ქალაქ ფოთის მუნიციპალიტეტის სერვისების ცენტრი“-სათვის 2018 წლის 1 იანვრიდან 31 დეკემბრის ჩათვლით პერიოდში ზემოთხსენებული სამუშაოების და მომსახურებების გასაწევად 2018 წლის ბიუჯეტიდან გამოყოფილ იქნა - 2 342 500 ლარი (თავიდან გამოყოფილ იყო 2326 000 ლარი, მას დაემატა 25 000 ლარი ყვავილებისთვის, ხოლო აღნიშნული თანხიდან 40 000 ლარი, რომელიც განკუთვნილი იქნა შუქნიშნების მოვლა პატრონობაზე, ისევ გადავიდა ფოთის მუნიციპალიტეტის მერიის განკარგვაში, დეკემბრის თვეში კვლავ დაგვემატა 31500 ლარი).

2018 წლის ბიუჯეტიდან - 2342500 ლარიდან -12 თვის ანგარიშით ათვისებულ იქნა 2 341 391 ლარი. გასული წლის ნოემბერ - დეკემბერში საწარმოს საკუთარი შემოსავლებიდან განხორციელდა მუხლობრივი გადანაწილება და ათვისებულ იქნა 71899 ლარი.

წლის განმავლობაში ფაქტიურად შესრულებული სამუშაოების და გაწეული დანახარჯების შესახებ მოგახსენებთ შემდეგს :

- სახელფასო ფონდზე საანგარიშგებო პერიოდში გათვალისწინებული იყო 1423600 ლარი, აქედან გახარჯულ იქნა 1423508,50 ლარი.

- ოფისის ხარჯებისთვის საანგარიშგებო პერიოდში გათვალისწინებული იყო 59400 ლარი, გახარჯულ იქნა 59400 ლარი (მოგახსენებთ, რომ აღნიშნულ დანახარჯი აერთიანებს ქალაქის გამწვანებისთვის მცენარეების 25 000 ლარს, საოფისე ავეჯის (სკამები, მაგიდები კარადები), საოფისე ტექნიკის შეძენასთან დაკავშირებულ, კომუნალური გადასახადების და სხვა თანხებს.

- უნიფორმის (სპეცტანსაცმელი, სპეცფეხსაცმელი) და კ/უსაფრთხოების ნივთების შეძენისათვის წლის განმავლობაში გათვალისწინებული იყო 18900 ლარი, დღეის მდგომარეობით გახარჯულ იქნა 18813,15 ლარი.

- ტრანსპორტის -სპეცტექნიკის, მანქანა დანადგარების ექსპლოატაციის და მოვლა-შენახვის ხარჯებზე (მათ შორის საწვავის, მანქანის ნაწილების, მომსახურების, იჯარების და სხვა) წლის განმავლობაში გათვალისწინებული იყო 513800 ლარი, საანგარიშგებო პერიოდში ათვისებულ იქნა 513800 ლარი.

-სხვა დანარჩენი საქონელი და მომსახურებაზე (ორგანიზაციის საჭიროებიდან გამომდინარე სხვადასხვა სახის საქონლის შესაძენად) გათვალისწინებული იყო წლიურად 284000 ლარი, ათვისებულ იქნა 283257,62 ლარი.

-არაფინანსურ აქტივებზე - (1 ერთეული 500 ლარზე ზემოთ ღირებულების სხვადასხვა დასახელების ძირითადი საშუალებები) გათვალისწინებული იყო წლიურად 17700 ლარი, საანგარიშგებო პერიოდში ათვისებულ იქნა 17 660 ლარი.

- მივლინებაზე გათვალისწინებული იყო წლიურად 1 000 ლარი, საანგარიშგებო პერიოდში თანამშრომელთა სხვადასხვა ტრენინგებზე მივლინებისთვის გახარჯულ იქნა 895 ლარი.

-შტატგარეშე მომუშავეთა ანაზღაურებაზე გათვალისწინებული იყო საანგარიშგებო პერიოდის განმავლობაში 24100 ლარი, გახარჯულ იქნა 24057 ლარი.

ქ.ფოთის მუნიციპალიტეტის მერიის განკარგულებით დაგვევალა მერიისა და სხვა ადმინისტრაციული შენობების მოვლა პატრონობისა და დალაგების მომსახურების გაწევა. აღნიშნული მომსახურების გაწევა ჩვენს მიერ განხორციელდა ძირითადი სამუშაოების სწორი დაგეგმვის შედეგად მიღებული ეკონომიის ხარჯზე. დასახელებული სამუშაოების შესრულებაზე დასაქმებული პერსონალის შრომის ანაზღაურებასა და შესაბამისი საწმენდი/ჰიგიენური საშუალებების შესყიდვაზე წლის განმავლობაში გახარჯულ იქნა 44599,54 ლარი

ჯამში ა(ა)იპ 2018 წლის ბიუჯეტიდან - 2 342500 ლარიდან - 12 თვის განმავლობაში გახარჯულ იქნა 2341391 ლარი. აუთვისებელი თანხის ოდენობა შეადგენს 1109 ლარს.

### 3. შესყიდვები

საწარმო ყველა სახის შესყიდვებს ახორციელებს საქართველოს კანონის „სახელმწიფო შესყიდვების შესახებ“-ის შესაბამისად. 12 თვის განმავლობაში ელექტრონული ტენდერის საშუალებით განხორციელებულ შესყიდვებზე გაფორმებულ იქნა ხელშეკრულება 66 მომწოდებელთან (სულ 541153.5 ლარზე

განხორციელდა შესყიდვა), კონსოლიდირებული ტენდერის ფარგლებში გაფორმებულ იქნა ხელშეკრულება 9 მომწოდებელთან, ხოლო გამარტივებული და გადაუდებელი აუცილებლობით შესყიდვის განხორციელების მიზნით გაფორმებულ იქნა ხელშეკრულება 164 მომწოდებელთან. შესყიდვა განხორციელდა 441 055.71 ლარზე.

### 4. უსაფრთხოება

საწარმოს თანამშრომლებისთვის საჭიროებისამებრ შეძენილ იქნა პირადი დაცვის (სპეცტანსაცმელი, სამუშაო ხელთათმანები, სპეცფეხსაცმელი, უსაფრთხოების ქამარი) და ჰიგიენური საშუალებები (საპონი).

ყველა თანამშრომელი თითქმის სრულად არის უზრუნველყოფილი დაკავებული პოზიციის შესაბამისად საჭირო ინვენტარით და მოწყობილობით

ჩატარდა სამუშაოები შრომის დაცვისა და უსაფრთხოების მიზნით:

- სატუმბ სადგურებზე განახლებულ და დატანილ იქნა უსაფრთხოების სტიკერები
- ნაგვის ურნებზე დატანილ იქნა შეაბამისი სტიკერები
- ინდივიდუალურად ა(ა)იპ-ში შემავალი განყოფილებების ყველა თანამშრომლისთვის ჩატარებულ იქნა და პერიოდულად ტარდება შრომის დაცვისა და უსაფრთხოების

ინსტრუქტაჟი, რომელიც ფიქსირდება ყოველკვარტალური ინსტრუქტაჟის  
ჟურნალებში.

## 5. სამოქმედო გეგმა

საწარმოს ყველა განყოფილება მუშაობას ახორციელებს დამტკიცებული გეგმა-გრაფიკის  
შესაბამისად, ასევე გეგმის გარეთ საწარმოო და საქალაქო აუცილებლობიდან  
გამომდინარე რეაგირებას ახდენენ ცალკეულ შემთხვევებზე. (მოქალაქეთა განცხადებებზე).

ქუჩების გარე განათების, სანიაღვრე არხების, საბინაო ფონდის მოვლა პარტონობის და  
გამწვანების განყოფილებები ძირითადად მუშაობენ როგორც სპეციალისტების  
ინსპექტირების შედეგად დაგეგმილი გრაფიკის შესაბამისად., ასევე მოსახლეობიდან და  
ორგანიზაციებიდან შემოსული შეტყობინებების (რომელიც ფიქსირდება ყოველდღიურად  
სპეციალურ ჟურნალებში და ოპერატიულად გადაეცემათ შესაბამის სამსახურებს)  
მიხედვით.

## 6. საქმიანი ეზო

როგორც ზემოთ ავლნიშნეთ ა(ა)იპ-ის ბაზაზე შეიქმნა საქმიანი ეზო, რომელიც სხვა  
განყოფილებებთან ერთად ახორციელებს ქალაქის საჭიროებიდან გამომდინარე  
სამუშაოების შესრულებას. კერძოდ: გამწვანების სამსახურთან ერთობლივად  
განხორციელდა შემდეგი სამუშაოები:

ცენტრალურ პარკში, ნაბადის უბანში, 9 აპრილის ხეივანზე შეკეთდა და შეიღება სკამები,  
ღობეები, ამფითეატრები, ნიკო ნიკოლაძის ძეგლთან არსებული ფილები, ხიდებზე  
დაზიანებული ფილები, შეიღება და შეკეთდა სცენა ცენტრალურ პარკში ფიზიკურად  
მუშაობენ სეპარაციის დარიგებაზე მოსახლეობაში, აღდგენილ იქნა წყლის მიწოდება  
ცენტრალურ პარკში, გამზადებული იქნა 36 რკინა-ბეტონის მრგვალი 75სმ X 5 სმ ზომის  
სახურავი, ასევე დამზადდა 16 ცალი რკინა-ბეტონის ოთკუთხა 70სმX70სმX 7 სმ ზომის ჭის  
სახურავი. დღეის მდგომარეობით საქმიანი ეზოს მცირერიცხოვანი თანამშრომლების მიერ  
ხორციელდება მცირე შეკეთებითი სამუშაოები, ასევე შედუღებითი სამუშაოები.

2018 წლის 12 თვის განმავლობაში ჩვენს მიერ მიღებული იქნა სხვადასხვა სახის  
დავალებები, რომელთა დაფინანსება არ ხდებოდა მერიის მხრიდან. წარმოგიდგენთ  
შედარებით მაღალბიუჯეტიან დავალებების ნუსხას ხარჯების მითითებით რომელიც  
შეარულა საქმიანმა ეზომ სხვადასხვა განყოფილებების წარმმადგენლებთან ერთად.

-მერიისა და სხვა ადმინისტრაციული შენობების მოვლაპატრონობის დადასტოების  
მომსახურება - 44599,54 ლარი;

- შუქნიშნების მოვლა პატრონობა, 3800 ლარი (აღმაშენებელზე ხიდთან არსებული  
შუქნიშნის ნაწილის შესყიდვა);

-სტადიონიდან გრუნტის გადატანა (ქალაქ ფოთის მუნიციპალიტეტის მერიის 2018 წლის 11 ივლისის #797 ბრძანების საფუძველზე) 4915,08 ლარი;

-პენტაგონის ბინების ეზოში კანალიზაციის ქსელის მოწყობაზე - 5290,53 ლარი;

- ქ.ფოთში ლარნაკას ქუჩაზე განხორციელდა სახელმწიფო დროშის დასაკიდი ანძის მექანიზმის შეკეთება /მონტაჟი. აღნიშნულთან დავალებასთან დაკავშირებით ხარჯმა შეადგინა: ფოლადის ბაგირი (115 გრძ/ მ - 230 ლარი, ხოლო ამწის ხარჯმა 7500 ლარი. რომელიც აისახება 2019 წელს;

- ნაძვის ხის რემონტი, მონტაჟი და ქალაქში საახალწლო განათებების მოწყობა 10 319 ლარი;

- მალთაყვის ზონის ბულვარის განათების მიზნით 450 გრძ/მ კაბელების შეძენა 1539 ლარი.

## 7. გამწვანების სამსახური

საანგარიშგებო პერიოდის განმავლობაში ქალაქში დარგულ იქნა 7666 ძირი ნარგავი - სხვადასხვა დასახელების ყვავილები და ბუჩქოვანი მცენარეები. აღნიშნული მცენარეები დარგულ იქნა რკალზე საკათედრო ტაძრის მიმდებარედ, აღმაშენებლის ქუჩაზე, რკინიგზის სადგურთან, ნიკო ნიკოლაძის სანაპიროზე არსებულ წრეზე, ნაბადის უნაბში ეკლესიის მიმდებარე ტერიტორიაზე. ქალაქის მამულებით არაერთგზის გაითიბა მწვანე საფარი სულ 1984691 კვ.მ ფართზე, მოიჭრა 56 ძირი ხე და შეისხეპა 694 ძირი ხე (მათ შორის პალმები), ასევე დამუშავდა 9 ცალი გადაჭრილი ხის 1 მეტრიანი კუნძულები, რომელიც შესრულდა ძირითადად მოსახლეობის მოთხოვნის საფუძველზე მერიის დავალებით და სტიქიის შედეგად წაქცეული 23 ხე.

გაიხსნა და ფორმირებულ იქნა ზამთრის სეზონთან დაკავშირებით შეფუთული პალმები, შეეთეთრდა ხეები ქალაქის მამულებით, სკვერებში, ერთობლივი პროექტები განხორციელდა აიპიემ ტერმინალთან ნიკო ნიკოლაძის დღესთან დაკავშირებით, ასევე მესამე საშუალო სკოლასთან. მიწით მოიზვინა როგორც ცენტრალური პარკი, მალანას სტადიონზე არსებული ტერიტორია, კუნძულის უბნის სტადიონზე არსებული სარეზერვო ტერიტორია, ასევე კრატასიუკის 82-ში არსებული ტერიტორია. აღნიშნული მომსახურება განხორციელდა აიპის რესურსებით, რომელმაც შეადგინა 4915,08 ლარი. სამეგრელოს ქუჩის მიმდებარედ -ნაბადის სკვერში დაირგო 40 ძირი კვიპარისი და 15 ძირი ქაფურის ხის ნერგი.

აღნიშნული სამუშაოების შესრულებაზე განყოფილების მიერ გასული წლის 12 თვეში გახარჯულ იქნა 223735,60 (მ.შ. 198 887,56 ლარი უშუალოდ გამწვანების, 24 848,04 ლარი კი ნარგავებზე) ლარი.

## 8. სატუმბი სადგურებისა და სანიაღვრე არხების მოვლა პატრონობის განყოფილება

### 8.1 სატუმბი სადგურები:

სარემონტო, გაწმენდითი და ავანკამერების ამოწმენდითი სამუშაოები ჩაუტარდა ქალაქში განთავსებულ ყველა სატუმბ სადგურს, რის შედეგადაც გაუმჯობესებულია

წყალგამტარიანობა და ყველა სადგური მუშაობს გამართულად. კერძოდ მინდა გამოვყო ნ. ნიკოლაძის სანაპიროზე განთავსებული არხი, სადაც მუშაობდა მხოლოდ ერთი ძრავი, ჩატარებული სარემონტო სამუშაოების შედეგად დღეის მდგომარეობით ფუნქციონირებს სამივე ძრავი. ასევე გაიწმინდა სატუმბთან მისასვლელი არხები როგორც მშვიდობის ქუჩაზე, ასევე ნაბადის უბანში ერთობის ქუჩაზე არსებული მაგისტრალური არხი. შავი ზღვის ქუჩაზე მდებარე სატუმბ სადგურთან ხდებოდა წყლის ნაკადის უკან შემოდინება, რაც იწვევდა მოსახლეობის დატბორვას, დღეის მდგომარეობით არხედან გასასვლელი ორივე არხი გაიწმინდა საფუძვლიანად, რაც თავიდან აგვაცილებს ნალექის დაროვებას მოსახლეობაში. აღნიშნულ სატუმბ სადგურზე მოხდა დაზიანებული ელექტროტალის დემონტაჟი, შეკეთდა ელექტროძრავი და დამონტაჟდა. 75ვტ-იანი ელ.ძრავიდან მოვარდნილი პროპელერის ავანკამერიდან ამოსაღებად ავტომწის და სპეცტექნიკის გამოყენებით მოხდა შემავალი არხის გადაკეტვა. პროპელერი ხელახლა დამონტაჟდა ძრავზე ხოლო დაზიანებული მექანიკური ნაწილები განახლდა და შესაბამისად შეიცვალა

*მიმდინარეობს 24 სათიანი მორიგეობა, მორიგეების ოპერატიული მოქმედებისათვის შეძენილ იქნა მობილური ტელეფონები.*

## 8.2 სანიაღვრე არხები:

რაც შეეხება სანიაღვრე არხებს, 12 თვის მდგომარეობით ამოწმენდილია 128710 გრძივი მეტრი სიგრძის სანიაღვრე არხები და 3650 მ სიგრძის მაგისტრალური არხი (სულ 120 ქუჩა და 4 მაგისტრალური არხი). შესაბამისად ხორციელდება ამოღებული მასების გატანა. 5 ქუჩაზე დაგებულ იქნა ახალი ხიდბოგირები. ახალ რაიონში გაიჭრა და ბეტონის საფარი გაუკეთდა 30 გრძივი მეტრი სიგრძის ახალ სანიაღვრე არხს, ხოლო 8 მარტის ქუჩაზე გაიჭრა 100 მ სიგრძის სანიაღვრე არხი. პერიოდულად მიმდინარეობს სანიაღვრე არხების გაქვიშვის კრიტიკული წერტილების მონიტორინგი და მათი აღმოფხვრა. 10 ქუჩაზე განხორციელდა ავტომწის გამოყენებით ხიდბოგირების დემონტაჟი და მონტაჟი

აღნიშნული სამუშაოების შესრულებაზე სანიაღვრე არხებისა და -სატუმბი სადგურების განყოფილების მიერ გასული წლის 12 თვეში გახარჯულ იქნა 309 490,65 ლარი

## 9. ქუჩების დაგვა -დასუფთავებისა და საყოფაცხოვრებო ნარჩენების გატანის განყოფილება

ქალაქის ქუჩების დაგვა/დასუფთავებადა საყოფაცხოვრებო ნარჩენების სპეცტექნიკით გატანა წარმოებს დამტკიცებული გრაფიკის სრული დაცვით ყოველდღიურად. გარდა ამისა სუფთავდება ქალაქში შექმნილი ხელოვნური ნაგავსაყრელებიც. სანაგვე კონტეინერების დაცლა ხდება დღეში 2-ჯერ, საჭიროების შემთხვევაში სრულდება დამატებითი რეისებიც. კარდაკარ შემოვლით მოსახლეობიდან ნაგავი გაიტანება დღეში 1- ჯერ (თითოეული ქუჩიდანყოველ მე-2 დღეს)

თვითმცლელების საშუალებით კი ხდება ქალაქის სხვადასხვა უბნიდან საწარმოო, სამშენებლო თუ სხვა სახის ნარჩენების(ხის ტოტები, უვარგისი საოჯახო ავეჯი, ტექნიკა და სხვა) გატანა.

2017 წლის ბოლოსათვის ქალაქში განთავსებულ იყო 615 სანაგვე ურნა, დღეის მდგომარეობით განთავსებულია 675 ურნა. ურნების რაოდენობის ზრდა მოხდა მოსახლეობის და ორგანიზაციების მოთხოვნის საფუძველზე, როგორც ახალ ლოკაციებზე, ასევე არსებულ ლოკაციებზე გარკვეული რაოდენობის დამატებით

აღნიშნული სამუშაოების შესრულებაზე განყოფილების მიერ გასული წლის 12 თვეში გახარჯულ იქნა 801 525,69 ლარი

## 10. საბინაო ფონდი

საბინაო ფონდის და მოვლა-პატრონობის განყოფილება ძირითადად სამუშაოებს აწარმოებს მოსახლეობიდან შემოსული განცხადება-შეტყობინებების საფუძველზე (რომელიც ყოველდღიურად ფიქსირდება სპეციალურ ჟურნალში) და სისტემატიურად კონტროლდება შესრულების მიმდინარეობაც. ყოველთვიურად წარმოდგენილ შესრულებულ სამუშაოების ნუსხას თან ერთვის ქალაქის მუნიციპალიტეტის წარმომადგენლების მიერ სამუშაოების ნამდვილად შესრულების დამადასტურებელი აქტები სხვადასხვა უბნებში. თებერვალ - დეკემბრის პერიოდში შემოსულია 555 წერილობითი განაცხადი, რომელთაგან ყველა დაკმაყოფილებულია. ძირითადად შესრულებულია შემდეგი სამუშაოები: ეზოებში საკანალიზაციო ჭების, ამონიზვის ორმოების და საერთო სარგებლობის საპირფარეშოების გაწმენდა სპეცმანქანით, სარდაფებში, ეზოებში და სადარბაზოებში საკანალიზაციო ქსელის შეცვლა, გასუფთავება და მონტაჟი. გარდა შემოსული განცხადებებისა სამსახურის მიერ სისტემატიურად ხდება საცხოვრებელი მასივების ტერიტორიების დათვალიერება- ინსპექტირება და საჭიროების შემთხვევაში სწრაფი რეაგირება.

დასახელებული სამუშაოების შესრულებაზე განყოფილების მიერ გასული წლის 12 თვეში გახარჯულ იქნა 136 140,73 ლარი.

## 11. გარე განათება

ქუჩების გარე განათების განყოფილებაც ძირითადად სამუშაოებს აწარმოებს მოსახლეობიდან შემოსული განცხადება-შეტყობინებების საფუძველზე (რომელიც ყოველდღიურად ფიქსირდება სპეციალურ ჟურნალში). მ/წლის 12 თვეში შემოსულია 435 შეტყობინება, რომელთაგანაც დაკმაყოფილებულია ყველა.ძირითადად სრულდება შემდეგი სამუშაოები: საჭიროებისამებრ გარე განათების სანათების შეცვლა, პროექტორებისა და

ელექტრო-გამანაწილებელი კარადების შეკეთება/შეცვლა, დაზიანებული ლითონის ბოძების აღდგენა ან ახლით შეცვლა, სადენების შეერთების შემოწმება, კაბელის იზოლაციის წინაღობების შემოწმება, კაბელის დაზიანებული ნაწილების შეცვლა, ქსელში ძაბვისა და დატვირთვის შემოწმება, დენკვითების დარეგულირება, კონტაქტორების დარეგულირება-შეცვლა, დამჭერების გადაჭერა, ფოტო-რელეების რეგულირება -შეცვლა. გარდა განცხადება-შეტყობინებებისა სამუშაოები ასევე ხორციელდება სპეციალისტების მიერ ჩატარებული მონიტორინგის შედეგად გამოვლენილი დაზიანებების აღმოსაფხვრელად.

უნდა აღინიშნოს, რომ განყოფილების მიერ საჭიროებისამებრ სხვადასხვა სახის ელექტრომასალების (ნაწილები) გამოცვლის გარდა მთლიანად შეიცვალა ახლით ქალაქში დამონტაჟებული ქუჩის ლედსანათები (100, 70 და 50 ვატიანი სიმძლავრის) -საერთო რაოდენობით 390 ცალი.

აღნიშნული სამუშაოების შესრულებაზე განყოფილების მიერ გასული წლის 12 თვეში გახარჯულ იქნა 295 156,47ლარი

## 12. მოსაკრებლის ადმინისტრირების განყოფილება

დასუფთავების მოსაკრებლის ადმინისტრირების განყოფილების მიერ სათანადო გადამოწმებისა და დაზუსტების შემდეგ იურიდიულ პირებთან 2018 წელს ჯამში ხელახლა გაფორმებული იქნა 783 ხელშეკრულება. (დაიდო სულ 870, მაგრამ დაიხურა 87 ხელშეკრულება და საბოლოოდ დარჩა 783). იდენტიფიცირებულ იქნა და გადამხდელ ფიზიკური პირების ბაზას დაემატა 182 აბონენტი.

დაანგარიშდა დავალიანებები ფიზიკური პირების (ადრე არსებული ბაზის გამოყენებით), დაანგარიშების პროცესი და ბაზის განახლება -ცვლილებები მიმდინარეობს ამ ეტაპისთვისაც, ყოველთვიური დარიგების რეჟიმში მოექცა შესაბამისი სააბონენტო ქვითრები.

განყოფილება დასუფთავების მოსაკრებლის ადმინისტრირებას გარკვეული პერიოდია ეწევა , თუმცა პირველად მიმდინარე წლის მაისის თვიდან, აბონენტად დარეგისტრირებულ მოქალაქეებს ქვითარზე აღნიშნული დავალიანების გარეშე, საკუთარი სააბონენტო კოდის გამოყენებით შეუძლიათ მათზე რიცხული დავალიანების ნახვა ყველა გადახდის აპარატში, ბანკებსა და მათზე მიბმულ სპეციალიზირებულ ინტერნეტპროგრამებში და შესაბამისად გადასახადის გადახდაც, რაც გარკვეულწილად სერვისსაც აუმჯობესებს და გამართლდა პროგნოზი თანხების შემოსულობების ზრდის ტენდენციისაც.

დაიგეგმა და განხორციელდა ქალაქ ფოთის ტერიტორიული ორგანოს წარმომადგენლებთან ერთად აქციები საზოგადოებაში მოსაკრებლის გადასახადის ცნობადობის გაზრდის მიზნით. ასევე განყოფილების წარმომადგენლები შეხვდნენ ქალაქში მოქმედ სახელმწიფო ორგანიზაციებისა და საგანმანათლებლო დაწესებულების

ხელმძღვანელებს და მოხდა შეთანხმება თანამშრომელთა სურვილის შესაბამისად, პირადად მათზე რიცხული დავალიანების ყოველთვიურად ხელფასიდან დაფარვის შესახებ. მსგავსი შეხვედრები დაგეგმილია არასახელმწიფო სექტორის ორგანიზაციებთანაც. დღემდე მიმდინარეობს შეხვედრები მოსახლეობასთან და ინტერსიური თანამშრომლობა იურიდიულ პირებთან.

ყოველთვიურად ხდება გეგმის მეტობით შესრულება. განყოფილების მიერ მ/წლის 12 თვეში ამოღებულ იქნა 558947,20 ლარი, (2017 წლის შესაბამის პერიოდში იყო 507254,35 ლარი), მათ შორის ფიზიკური პირებიდან 72272,68 ლარი, ხოლო იურიდიული პირებიდან 486674,52 ლარი. გეგმასთან (500000 ლარი) მიმართებაში შესრულება შეადგენს 111,8 %-ს. აღსანიშნავია ის ფაქტი რომ ძალიან დიდი შედეგი გამოიღო ცნობადობის ამაღლების მიზნით ჩატარებულმა ღონისძიებებმა, სწორედ ამის შედეგია ის, რომ თუ 2017 წლის წლის 12 თვის განმავლობაში ფიზიკური პირებისგან ხაზინაში შესულმა თანხამ შეადგინა 38590,67 ლარი, 2018 წლის 12 თვის მონაცემებით ხაზინაში ფიზიკური პირებისგან უკვე შესული არის 72272,68 ლარი.

აღნიშნული სამუშაოების შესრულებაზე განყოფილების მიერ გასული წლის 12 თვეში გახარჯულ იქნა 114 011,98 ლარი

### 13. უმეტვალყურეოდ დარჩენილი ცხოველების კონტროლის განყოფილება

უმეტვალყურეოდ დარჩენილი ცხოველების კონტროლის განყოფილების თანამშრომლების მიერ 2018 წლის 12 თვეში გამოვლენილ იქნა უმეტვალყურეოდ დარჩენილი, ქალაქის სხვადასხვა უბანში მოხეტიალე ცხოველების დაფიქსირების 109 შემთხვევა. განხორციელდა აღნიშნული ცხოველების იზოლაცია და გადაყვანა სპეციალურ სადგომებში. ცხოველების მეპატრონეებთან გაფორმებულ იქნა გაფრთხილების აქტები. ხოლო 22 შემთხვევაში მოქალაქეებს დაეკისრათ ჯარიმის გადახდა. დღეის მდგომარეობით ჯარიმის სახით მათ მიერ გადახდილ იქნა 440 ლარი. უნდა აღინიშნოს, რომ სისტემატიური მონიტორინგისა და პროფილაქტიკური ღონისძიებების გატარების შედეგად მოხეტიალე პირუტყვის ქალაქში დაფიქსირების შემთხვევების რაოდენობამ ბოლო პერიოდში მნიშვნელოვნად იკლო.

მ/წლის ივლისის თვიდან საწარმოს არ გააჩნდა ტერიტორია იზოლირებული პირუტყვის სადგომისათვის. შესაბამისად გარკვეული პერიოდის განმავლობაში არ ხორციელდებოდა მოხეტიალე ცხოველების დაჭერა და სადგომზე გადაყვანა და ვერც ჯარიმებს ვუფორმებდით მეპატრონეებს. განყოფილება აწარმოებდა მხოლოდ ცხოველების განდევნას აკრძალული ტერიტორიებიდან და შემდგომში მუნიციპალიტეტებთან ურთიერთთანამშრომლობით დგინდებოდა სავარაუდო მეპატრონეები, რომლებთანაც ფორმდებოდა მხოლოდ გაფრთხილების აქტები

აღნიშნული სამუშაოების შესრულებაზე განყოფილების მიერ მ/წლის 12 თვეში გახარჯულ იქნა 36 891,15 ლარი

## 14. სხვადასხვა

ჩვენი უშუალო ზედამხედველობით განხორციელდა ქალაქის ქუჩების მოხრეშვა-დაგრეიდერება -ჯამში 107600 ლარის სამუშაო (გამოყოფილი თანხა არის 110,0 ათ.ლ), ასევე სრულად იქნა ათვისებული საგზაო ნიშნებით გათვალისწინებული თანხა 20 000 ლარი, რომლითაც მოეწყო საგზაო ნიშნები -დაიხაზა გზებზე ქვეითად მოსიარულეთა გადასასვლელები და ღერძულა ხაზები მოსახლეობის აქტიური გადასვლისა და სხვა საჭირო ადგილებში.

ა(ა)იპ „ქალაქ ფოთის მუნიციპალიტეტის სერვისების ცენტრი“ აქტიურად ღებულობს მონაწილეობას ყველა საქალაქო ღონისძიებებთან დაკავშირებულ ინფრასტრუქტურულ, დასუფთავებისა და გამწვანებით სამუშაოებში.

## 15. არსებული პრობლემები და ინიციატივები

ძირითად პრობლემას ფოთის მუნიციპალიტეტის სერვისების ცენტრის მუშაობაში წარმოადგენს ტექნიკის დეფიციტი და არსებული ტექნიკების გაუმართავი მდგომარეობა. აღნიშნულის გამო ხშირად ვერ სრულდება განყოფილებების მიერ ნაკისრი ვალდებულებები და გეგმასთან ჩამორჩენის თავიდან აცილების მიზნით გვიწევს სატრანსპორტო საშუალებების იჯარით აყვანა, რაც საკმაოდ დიდ თანხებთან არის დაკავშირებული. ძალიან დიდ ეფექტს და ეკონომიას მისცემს ბიუჯეტს თუ აიპს ან მერიას ეყოლება საკუთარი გამართული სატრანსპორტო საშუალებები, რომლის ექსპლუატაციაზე პასუხს აიღებს უკვე თავად სერვისების ცენტრი. ძალიან დიდი თანხები ჯდება გაუმართავი სატრანსპორტო საშუალებების შეკეთება/რემონტი და იჯარა. კარგი იქნება თუ მომავალში ფოთის მუნიციპალიტეტის მერია ორიენტირებას გააკეთებს ქალაქის საჭიროებიდან გამომდინარე გამოსაყენებელი ავტოსატრანსპორტო საშუალებების შესყიდვაზე, რაც მნიშვნელოვან ეფექტს მოუტანს ქალაქს.

მსხვილფეხა პირუტყვების გადაყვანა ხდება აიპში არსებული სატრანსპორტო საშუალებებით, რას საფრთხემემცველია სამუშაო სპეციფიკიდან გამომდინარე, უფრო ეფექტური იქნება თუ აღნიშნული საქმიანობისთვის შემენილ იქნება შესაბამისად აღჭურვილი ტექნიკა. ასევე პრობლემატურია პირუტყვის განსათავსებელი სადგომის მოწყობის საკითხი.

როგორც ცნობილია ფოთის მუნიციპალიტეტის ბიუჯეტიდან გამოყოფილ იქნა 25 000 ლარი ყვავილების შესამენად. რომლის ფარგლებში აიპმა დარგო 7666 მარადმწვანე ნარგავი და ერთწლოვანი ყვავილი. მიზანშეწონილად მიგვაჩნია ქალაქს გააჩნდეს საჩიბილე მეურნეობა, რომელიც თავად გამოიყვანს და შეუზღუდავი რაოდენობით შეგვეძლება პირველ ეტაპზე ქალაქის გაფერადება, ხოლო მოგვიანებით ნერგებისა და ჩიბილების რეალიზაცია, რომელიც გარკვეულ შემოსავალს მოუტანს ქალაქს.

მიუხედავად იმისა რომ გარე განათების მიერ რეგულარულად ხდება არსებული განათების სისტემის მოვლა პატრონობა, ყოველდღიურად მაინც გვხვდება პრობლემები განათებასთან დაკავშირებით. ჩვენს მიერ გამოცვლილი 390 ლედსანათიდან დღემდე ყველა მუშა მდგომარეობაშია და მიზანშეწონილად მიგვაჩნია მოხდეს მთელი სისტემის ჩანაცვლება ახალი ლედსანათებით, რომელიც მოგვიხსნის მოვლა პატრონობასთან დაკავშირებულ ხარჯებს და ასევე მისცემს ქალაქს შეღავათს ელექტროენერჯის გადასახადთან მიმართებაში.

საქმიანი ეზოს განვითარების მიზნით მიზანშეწონილად მიგვაჩნია აღნიშნული რგოლისთვის გამოყოფილი იქნეს ბიუჯეტი, რომელიც ჩამოყალიბდება იმ სამუშაოების შესაბამისად, რომელიც არის მოთხოვნადი ქალაქში.

ქ.ფოთის ა(ა)იპ ფოთის მუნიციპალიტეტის სერვისების ცენტრის  
დირექტორი ზაზა ვადაქარია

